

稱

謂

錄

稱謂錄第三本

卷九目

天子

天子自稱

天子古稱

外域稱天子

天子祖母

天子祖母古稱

天子父

天子父古稱

天子母

天子母古稱

尊封列宮

尊封列宮古稱

天子妻

天子妻古稱

卷十目

列宮

列宮古稱

太子

太子古稱

太子妻

太子妻古稱

皇諸子

卷十一目

皇太孫

皇諸孫

皇諸子皇諸孫之妻

皇諸孫之妻古稱

宗室

宗室古封爵各稱

宗室妻

宗室妾

宗室妻古稱

公主

公主古稱

宗室女

宗室女古稱

駙馬

駙馬古稱

宗室婿古稱

外戚

外戚古稱

太監

太監古稱

卷十二目

師傅保

師傅保古稱

師傅保總稱

太子師傅保

太子師傅保總稱

上書房行走

各等封爵

各等封爵古稱

宗人府

宗人府職官

宗人府職官古稱

內閣

附中書科

內閣大學士

相臣古稱

內閣各官

內閣各官古稱

稱謂錄卷九

福州梁章鉅撰

男恭辰校刊

天子

天子 禮記君天下曰天子 白虎通天子者爵稱也
王者父天母地爲天之主也聖人受命皆天所生故
謂之天子 漢書郊祀志王者父事天故爵稱天子
春秋繁露尊者取尊號卑者取卑號故德侔天地
者皇天佑而子之號稱天子

皇帝 書皇帝清問下民 管子明一者皇察道者帝

詩譜疏德合北辰者皆稱皇感五帝坐星者皆稱

帝 史記秦始皇本紀采上古帝位號號曰皇帝

白虎通漢制天子稱皇帝其嫡嗣稱皇太子 獨斷

皇帝至尊之稱皇者煌也盛德煌煌無所不照也帝
者諦也能行天道事天審諦故稱皇帝 魏了翁古

今考人主自號皇帝自秦政始而漢因之謚曰高皇
帝則亦襲始皇之陋也 陸贄云德合天者謂之皇

合地者謂之帝合人者謂之王父天母地養人理物

謂之皇帝

皇上 陸士衡皇太子宴元圃宣猷堂賦詩皇上纂隆
經教宏遠

今上 史記秦本紀今上以重法繩之 案此今上二字所由稱之始

皇 爾雅林烝天帝皇王后辟公侯君也 說文皇大也從自自始也始皇者三皇太君也 何休公羊傳注德合於元者稱皇 風俗通三皇道德玄泊有似皇天故稱曰皇

帝 爾雅見上 說文帝諦也王天下之號也 獨斷

上古天子庖犧氏神農氏稱皇堯舜稱帝夏殷周稱
王 白虎通德象天地稱帝仁義所生稱王帝者天
號王者五行之稱也

陛下 獨斷陛下者陛階也天子必有近臣執兵陳於
陛側以戒不虞謂之陛下者羣臣與天子言不敢指
斥天子故呼在陛下者而告之因卑達尊之義天子
自稱曰朕臣民稱之曰陛下

殿下 魏晉六朝稱殿下

聖人 莊子堯觀乎華華封人曰請祝聖人

聖上 漢書稱聖上

天子自稱

朕 始皇已并天下李斯等議曰有天皇有地皇有泰皇泰皇最貴臣等昧死上尊號王爲泰皇命爲制令爲詔天子自稱曰朕蔡邕注曰朕我也古者上下共稱之至秦然後天子獨以爲稱

小子 論語予小子履 書湯誓非台小子敢行稱亂 又說命台小子舊學於甘盤

沖人 書大誥洪維我幼沖人嗣無疆大厯服又肆予

沖人永思艱曰又越予沖人不印自恤

孤 寡 不穀 老子人之所惡惟孤寡不穀而王公

以爲稱 案曲禮庶方小侯入天子之國曰某人於

外曰子自稱曰孤九州之長於內自稱曰不穀於外

自稱曰王老孔疏謂凡常諸侯皆稱寡人僖四年齊

桓公對周完稱不穀者謙也莊十一年宋災魯往弔

之宋閔公稱孤者傳云列國有凶稱孤禮也據此則

孤寡不穀皆諸侯自稱而天子不必以此自稱也附

識於此

天子古稱

后 爾雅見上 書克綏厥猷惟后 易后以施命誥
四方 禮疏夏言后者白虎通云以揖讓受於君故
稱后 說文后繼體君也象人之形施令以告四方
故后之從一口發號者君后也

元后 書汝終陟元后

王 爾雅見上 說文王天下所歸往也 春秋繁露
深察王號之大意其中有五科皇科方科匡科黃科
往科合此五科以一言謂之王

天王 春秋隱六年冬天王使凡伯來聘 獨斷天王

諸夏之所稱天下之所歸往故稱天王

君王 詩室家君王

后王 書說命中樹后王君公疏后王謂天子也

素王 史記殷本紀伊尹處士湯使人聘迎之五反然

後肯往從湯言素王及九主之事注曰素王大素上

皇其道質素故稱素王

孝王 嗣王 禮記曲禮內事曰孝王某外事曰嗣王

某

君 爾雅見上

大君 易大君有命開國承家

社君 劉向七錄三載社君楊慎曰幼君也如周成漢
昭

天 穀梁宣十五年傳爲天下主者天也繼天者君也
劉禹錫砥石賦君爲人天

天辟 前漢五行志天子曰天辟

天皇 唐書高宗紀上元二年八月壬辰皇帝稱天皇
皇后稱天后

君天 左傳稱君天

上帝 詩上帝板板毛傳上帝以託君王也

素皇內帝 鵠冠子此素皇內帝之法注帝者天號王者人號皇者天人之總美大之名謂之素皇內帝則又其至者也

大官 子華子天子大官也

縣官 史記絳侯周勃世家庸知其盜買縣官器注縣官謂天子也又見後漢劉盆子傳注

官家 梁太宗十一王傳官家尚爾兒女教辭 白居易

易詩自此光陰爲已有從前歲月屬官家 湘山野
錄李侍讀仲容善飲真宗飲量無敵飲則召公一夕
上命巨觥仲容曰告官家免巨觥 蔣濟萬幾論五
帝官天下三王家天下今指天子爲官家猶言帝王
也 朱弁曲洧舊聞哲宗御講筵誦讀畢賜扇潞公
見帝手中用紙扇率羣臣降階賀太后聞之喜曰老
成大臣用心終是與人不同晚問哲宗曰官家知大
臣稱賀之意乎用紙扇是人君儉德也 池北偶談
引炙輠錄記周正夫曰仁宗皇帝百事不會只會做

官家

官 魏晉六朝稱官

宅家 李濟翁資暇錄至尊以天下爲宅四海爲家不敢斥呼故曰宅家亦猶陛下之義 表異錄唐時宮中呼天子爲宅家 通鑑韓建發兵圍十六宅諸王呼曰宅家救兒 唐子西詩宅家喜得調元手

天家 獨斷天家百官小吏之所稱天子以天下爲家故稱天家

大家 北齊書奴見大家心死注臣妾呼天子曰大家

獨斷親近侍從官稱天子曰大家

真主 後漢書王常傳今劉氏復興卽真主也

鉅公 漢書郊祀志注天子爲天下父故曰鉅公鉅大也

天公 後漢書稱君曰天公

崖公 天子也見唐語林 教坊記散樂呼天子爲崖公

太上 漢書上合薄昭與淮南厲王書曰王欲以親戚之意望於太上如淳曰太上天子也 王褒四子講

德論太上聖明 案皆以太上稱天子

大宗 詩疏王者天下之大宗以禮有大宗小宗爲其族人所尊故稱宗子天子則天下所尊故稱之大宗大尊 北史稱大尊

先民 禮記坊記篇先民有言鄭注先民謂上古之君也 尚書召誥篇相古先民有夏孔傳視古先民有夏之王以爲法

禾絹 宋書明帝紀中書舍人胡母顥專權奏無不可 時人語曰禾絹閉眼諾胡母太張索禾絹謂上也

困學紀聞十七評文誠齊爲張燾墓銘云今日士師
非禾絹士師也蓋謂秦檜專政士師非主上之士師
云爾

朝廷 漢書稱朝廷

車駕 漢書高宗紀是日車駕西都長安注凡言車駕
者謂天子乘車而行不敢指斥也

乘輿 獨斷天子至尊不敢溲瀆言之故託之於乘輿
至尊 張衡東京賦降至尊以訓恭李善注至尊天子
也 杜甫詩獨使至尊憂社稷諸君何以答昇平

爾雅疏君者至尊之號

元首 書股肱喜哉元首起哉孔安國傳元首君也

荃宰 文選宣德皇后令要不得不彊爲之名使荃宰
有寄注庶使君主之情微有所寄也 楚辭荃不察
予之中情王逸注荃香草以喻君也鄧析子曰聖人
逍遙一世之閒宰匠萬物之形

九重 楊慎古雋九陽數之極故天子稱九重

萬歲 漢書武帝登嵩山吏卒咸聞呼萬歲者三 又
禮儀志百官賀正月二千石以上上殿稱萬歲

萬乘 孟子萬乘之國 湘山野錄真宗初種放至闕

敷對時中書盛服俟其來種止長揖而已楊大年嘲
之曰不把一言裨萬乘祇又雙手揖三公

人牧 孟子注謂牧民之君也

人主 漢書賈誼傳人主之尊譬如堂案

杜甫詩往時
文采動人主

上 遷史及班范二書帝紀多稱上

案此稱至
今猶沿之

明上 三國志稱君爲明上

主上 漢書司馬遷傳主上幸以先人之故

林 烝 辟 爾雅見上 漢書律歷志云林君也屈

原天問伯林雉經王逸注林君也

詩文王烝哉漢

平都相蔣君碑於穆林烝實乾所生

書辟不辟

穀梁文六年傳士造辟而言

案以上三字古今文

字所罕用後世尤不敢以此形諸稱謂以本雅訓附

列於此

一丈夫

周書文傳解橫生盡以養從生從生盡以養

一丈夫注一丈夫天子也

黃中君

李泌外傳有術士稱帝爲黃中君

黃天子

長篇西夏自稱青天子稱中國爲黃天子

皇天子 鮑宣傳宣上書曰陛下上爲皇天子

新皇帝 老學菴筆記今上初登極周丞相草儀注稱
新皇帝蓋創爲文也

外域稱天子

撐犁孤塗 王楙野客叢書撐犁天子也言匈奴號撐
犁人稱天子也 案撐犁曰天孤塗曰子撐犁孤塗
四字合稱方是天子

可汗 單于 案可汗西域稱天子之謂見漢書又單
于亦天子之稱

震旦 涅槃經閻浮界內有震旦 案梵語稱天子者

宇文 北俗謂天子爲宇文又因以爲氏見蠡勺編

天子祖母

太皇太后 漢書外戚傳漢興因秦之稱祖母稱太皇

太后 獨斷帝祖母曰太皇太后 後漢書輿服志

太皇太后皇太后法駕皆御金根加交路帳裳 魏

了翁古今考帝祖母則曰帝太太后或曰太皇太后

夫皇云者祭祀之所稱太云者後世以爲父卒母存

之號

天子祖母古稱

帝太太后 漢書哀帝紀尊恭皇太后曰帝太太后

案帝之祖母也

太母 老學菴筆記太母祖母也猶謂祖爲大父熙甯
元豐間稱曹太皇爲太母元祐中稱高太皇爲太母
皆謂帝之祖母元符中謂向太后爲太母紹興中謂
韋太后爲太母則非 案帝母門亦列此稱

天子父

太上皇帝 紹熙行禮記汝愚袖出所擬指揮以進曰

皇帝有疾未能執喪曾有御筆直欲退閑皇子嘉王可卽皇帝位尊皇帝爲太上皇帝皇后爲太上皇后憲聖覽訖曰甚好汝愚等再拜奏曰凡事今望太皇太后主張 案後魏獻文帝傳位於太子羣臣奏曰昔漢高帝稱皇帝尊其父曰太上皇明不統天下也今皇帝幼冲萬幾大政猶宜陛下總之謹上尊號曰太上皇帝從之此天子之父稱太上皇帝之始也本朝會典載乾隆六十年 上諭明年元旦歸政後朕爲太上皇帝嗣子爲皇帝亦用此稱

天子父古稱

太公 太上皇 漢書高帝紀高祖五日一朝太公太公擁篲迎門卻行高祖大驚下扶於是尊爲太上皇師古曰皇君也天子之父故號曰皇不預治國故不言帝也又引蔡邕曰不言帝非天子也 魏了翁古今考漢高祖起自亭長父太公謂父爲太公者雖不見於經而齊世家云西伯獵遇呂尙曰吾太公望子久矣故號太公望以此知太公者古人以爲父稱又家令說太公曰帝雖子人主也太公雖父人臣也奈

何令人主拜人臣上心善家令言賜黃金五百斤尊
太公曰太上皇不惟古制所無且古亦未有太字後
世加點以別大字於是人主之父皆稱曰太 日知
錄秦始皇本紀追尊莊襄王爲太上皇是死而追尊
之號猶周曰太王也漢則以爲生號而後代並因之
矣曲禮曰孤暴貴不爲父作諡或舉武王爲難鄭康
成答趙商曰周道之基隆於二王功德繇之王迹興
焉不可以一概論也若夏禹殷湯則不然矣據此則
漢高帝於太上王尊而不諡乃爲得禮其追尊先媪

爲昭靈夫人當亦號而非諡也

上皇天帝 聖皇天帝 唐書肅宗紀卽位于靈武尊
皇帝曰上皇天帝乾元元年上上皇天帝冊號曰聖
皇天帝

天子母

皇太后 漢書漢因秦之稱號帝母皇太后又外戚傳
帝母稱皇太后注后亦君也又見獨斷下 南史孝
武王皇后傳廢帝卽位尊曰皇太后宮曰永訓 宋
史后妃傳英宗宣仁聖烈高皇后神宗立尊爲皇太

稱謂錄

卷九

十三

后居寶慈宮哲宗嗣位尊爲太皇太后驛召司馬光
呂公著又起文彥博於旣老並命爲相使同心輔政
臨政九年朝廷清明華夏綏定人以爲女中堯舜

母后 聖母 本朝會典崇德八年 世祖章皇帝

嗣位尊 母后皇后爲 皇太后 聖母爲 皇太
后

天子母古稱

帝太后

漢書哀帝紀尊恭皇后曰帝太后

案帝之母

案

賈子等齊天子親號云帝太后諸侯視號云太后

大上皇后 宋孝宗紀從太上皇太上皇后幸於聚錦

園

天后 柴季通書敘指南晉后妃太后曰天后

堯母 趙僖仔傳昭帝妊身十四月迺生上命所生門

曰堯母門

文母 詩亦右文母

天地母 魏書宣武帝皇后胡氏傳有趙胡者善卜相

云有大貴之表方爲天地母生天地主

天下母 後漢書馬皇太后云吾爲天下母 劉禹錫

賀表徽號極域中之尊仁慈爲天下之母

太母 舊唐書憲宗后郭氏傳歷位七朝五居太母之尊 宋史王倫言於金將思謀曰歸我二帝太母復我疆土 案太母稱太后時徽宗欽宗及太后皆爲金所劫

東朝 漢書灌夫傳東朝廷辨之注東朝太后朝也

慈宮 張守賀冊太皇太后表云正長樂之隆名奉慈宮之寶位

慈極 玉海天聖二年上皇太后尊號詔曰發寶冊於

大庭奉鴻名於慈極

尊封列宮

皇貴太妃 貴太妃 太妃 太嬪 本朝會典禮部

尊封儀注載此諸稱皆所以 尊封 皇祖 皇

考之列宮也

尊封列宮古稱

皇太夫人 晉書禮志哀帝卽位欲尊崇章皇太妃桓

溫議宜稱太夫人尙書僕射江彬議曰妃后雖是配
君之名然自后以下有夫人九嬪無稱妃桓公謂宜

進號太夫人非不允也如以夫人爲少可言皇太夫人皇君也

皇太妃 馬氏通考宋後廢帝卽位母陳氏尊爲皇太妃輿服一如晉孝武李太妃故事宮曰宏化改諸國太妃曰太姬

天子妻

皇后 后 獨斷下帝嫡妃曰皇后 詩序關雎疏天子之妃惟稱后耳妃則上下通名 禮曲禮天子之妃曰后疏言其後於天子亦以廣後音也 後漢書

皇后紀下在塗則稱后 白虎通商以前皆曰妃周始立后正嫡曰王后秦漢曰皇后

中宮 周禮內宰疏漢舊儀稱皇后爲中宮 唐書太宗長孫皇后少好讀書正位中宮務崇節儉

天子妻古稱

元妃 晉書后妃傳爰自曩古是爲元妃降及中年乃稱王后

王后 白虎通春秋書迎王后於紀天下尊之故繫土言之又云后者君也天子妃至尊故謂后也 釋名

天子之妃曰后后後也言在後不敢以副言也

母后 後漢東平憲王蒼傳若其辭至戚去母后豈欲苟立名行而忘親遺義哉 魏志后妃傳序魏因漢法母后之號皆如舊制

椒房 應劭漢官儀皇后稱椒房取其實蔓延盈升以椒塗室取溫暖祛惡氣也 唐書長孫無忌與上爲布衣交加以外戚有佐命功上委以心腹欲相者數矣后固請曰妾備位椒房貴寵極矣誠不欲兄弟執國政呂霍上官可爲切骨之戒

殿下 石林燕語制獨天子稱陛下殿下則諸侯皆得
通稱至唐初制令惟皇后皇太子稱殿下

孃孃 小知錄孃孃母后也 龍川雜志仁宗謂劉氏
爲大娘娘楊氏爲小娘娘

大娘 韓魏公傳云宮中稱郭后爲大娘劉妃爲小娘
是皇家如是稱 案孃字俗書古無當作孃今則民
間通稱矣

稱謂錄卷十

福州梁章鉅撰

男恭辰校刊

列宮

皇貴妃 明史禮志冊妃之儀自洪武三年冊孫氏爲
貴妃定皇帝不御殿承制官宣制曰妃某氏特封某
妃命卿等持節行禮但授冊無寶餘並如中宮儀永
樂七年定冊妃禮皇帝皮弁服御華蓋殿傳制至宣
宗立孫貴妃始授寶憲宗封萬貴妃始稱皇非洪武
之舊矣 案 本朝 皇貴妃位在 貴妃上 貴

和言金 卷一
妃位在 妃上 冊封之禮 皇貴妃以 冊 寶

妃以 冊印

貴妃 齊書建元三年有司奏置貴嬪夫人貴妃爲三夫人 案隋書以貴妃淑妃德妃爲三夫人品正第一 唐書百官志注云武德立四妃一貴妃二淑妃三德妃四賢妃位次后之下元宗以爲后妃四星其一正后不宜更有四妃乃改定三妃之位惠妃一麗妃二華妃三下有六儀美人才人四等

妃 史記索隱黃帝立四妃象后妃四星皇甫謐云元

妃西陵氏女曰累祖生昌意次妃方雷氏女曰女絕生青陽次妃彤魚氏女夷鼓一名昌林次妃嫫母

案馬氏通攷載帝嚳四妃亦稱元妃次妃惟虞舜娶堯之二女長娥皇次女英舜升天子娥皇爲后女英爲妃是太古皇后列宮並稱曰妃至舜而始有后稱乃以妃位次之耳六朝有貴妃之稱前明又增皇字而本朝因之故單稱曰妃者其位在皇貴妃貴妃之下焉

嬪 禮曲禮天子有嬪又昏義九嬪 周禮九嬪掌婦

學之法以教九御後漢書九嬪掌四德 宋書秦始
三年以淑媛淑儀淑容昭華昭儀昭容修華修儀修
容爲九嬪 齊書復置昭儀位在九嬪 北史河清
新令光猷昭訓隆徽爲上嬪比三卿宣徽凝暉宣明
順華凝華光訓爲下嬪比六卿 隋書嬪三員掌教
四德視正三品又順儀順容順儀修儀修容修華充
儀充容充華是爲九嬪品正二 唐書百官志注唐
因隋制昭儀昭容昭媛修儀修容修媛充儀充容充
媛各一人爲九嬪正二品 案禮記曲禮嬪位在世

婦之下妻妾之上而昏義嬪位在夫人之下世婦之
上據周禮九嬪鄭注載御見之法女御八十一人當
九夕世婦二十七人當三夕九嬪九人當一夕三夫
人當一夕后當一夕位次與昏義合則周制九嬪位
在夫人下也三國魏文帝時有貴嬪之稱位次皇后
六朝亦然明史禮志嘉靖十一年帝冊九嬪禮觀上
儀注先曰所司陳設儀仗如朔望儀至期皇帝具袞
冕告太廟世廟訖易皮弁服御華蓋殿百官公服入
行禮正副使朝服承制舉節冊至九嬪宮九嬪迎於

宮門外隨至拜位女官宣冊九嬪受冊先後八拜送
節出宮門後命九嬪隨具服候皇后率詣奉先殿謁
告及詣皇帝皇后前謝恩俱如冊妃禮惟圭用次玉
穀文銀冊少降於皇妃五分之一二則嬪位在妃下
矣 本朝 嬪位亦在妃下而 冊封皆制以金惟
無寶印及不告 奉先殿其禮略有不同詳見會典
貴人 後漢書清河王慶傳母宋貴人供奉長樂宮身
執饋饌 又馬后紀有司奏立長秋宮皇太后曰馬
貴人德冠後宮卽其人也 案後漢皇帝紀敘論六

宮稱號惟皇后貴人貴人金印紫綬奉不過粟數十斛又置美人宮人采女三等並無爵秩歲時賞賜充給而已據此則東漢定制皇后之下卽貴人也 本朝貴人位在 妃 嬪之下而貴人之下卽是常在 答應同此一稱而位之尊卑與東漢時異矣

常在 答應 案會典有此二稱位在貴人之下蓋未有爵秩僅供使令猶前漢之家人子後漢之宮人采女是也明史御前近侍太監有答應長隨諸稱今以爲宮女之稱耳

列宮古稱

夫人 禮曲禮天子有后有夫人又昏義古者后立六
宮三夫人 漢書妾皆稱夫人 案三國志魏太祖
建國王后之下五等有夫人有昭儀有婕妤有容華
有美人其夫人位居后下與周禮同而不拘於三人
北史河清新令以宏德正德崇德爲三夫人齊書以
貴嬪夫人貴妃爲三夫人隋書以貴妃淑妃德妃爲
三夫人則竟仿周禮互詳貴妃貴嬪注

世婦 周禮世婦掌祭祀賓客喪紀之事帥女官而濯

漑爲柔盛 案曲禮天子有世婦位在嬪上夫人下
昏禮二十七世婦位在九嬪下與周禮合 北史河
清新令內命婦正華令則修訓曜儀明淑芳華敬婉
昭華光正昭甯貞範宏徽和德宏猷茂光明信靜訓
曜德廣訓暉範敬訓芳猷婉華明範豔儀暉則敬信
爲二十七世婦比從三品 隋書世婦九員掌賓客
祭祀視正五品文獻崩後始增世婦二十七員煬帝
時婕妤一十二員品正第三美人才人一十五員品
正第四是爲世婦

御妻 女御 禮昏義八十一御妻 周禮女御掌御

敘於王之燕寢 案昏禮御妻周禮女御皆位次九

嬪下是御妻卽女御也曲禮天子有妻有妾鄭注云

妻八十一御妻周禮謂之女御以其御敘於王之燕

寢妾賤者則曲禮所謂妻妾亦卽此也 北史河清

新令穆光茂德貞懿昭光貞凝光範合儀內範穆閨

婉德明婉艷婉妙範暉章敬茂靜肅瓊章穆華慎儀

妙儀明懿崇明麗則婉儀彭媛脩閑修靜宏慎豔光

漪容徽淑秀儀芳婉貞慎明豔真穆修範肅容茂儀

英淑宏豔正信凝婉英範懷慎修媛良則瑤章訓成

潤儀甯訓淑懿柔則穆儀修禮昭慎貞媛肅閨敬順

柔華昭順敬甯明訓宏儀崇敬修敬承閑昭容麗儀

閑華思柔媛光懷德良媛淑猗茂範良信豔華徽娥

肅儀妙則爲八十一御妻比正四品 隋書女御三

十八員掌女工絲枲視正七品文獻崩後始增女御

八十一員煬帝時寶林二十員品正第五御女二十

四員品正第六采女三十七員品正第七是爲女御

昭儀 漢書外戚傳昭儀位視丞相爵比諸侯王 案

漢制除皇后自昭儀以下十四等昭儀爲六宮之最尊者其上卽是皇后魏制則昭儀爵比縣侯在淑媛下昭華上名與漢同而爵比漢降矣宋書九嬪位視九卿昭儀第五

僖仔 漢書孝成班僖仔傳爲僖仔居增成舍注後宮有八區增成第三也又馮昭儀傳元帝幸虎園鬪獸熊逸出圍馮僖仔直前當熊而立問故對曰猛獸得人而止故以身當之 案漢制僖仔視上卿比列侯位在昭儀下姬娥上魏制僖仔視中二千石位在侯

儀下容華上

姪娥 漢書姪娥視中二千石比關內侯 案位在僉

仔下俗儼上

俗儼 漢書俗儼視真二千石比太上造 案位在姪

娥下美人上文選西都賦六臣注及後漢書注並作

容華魏志亦作容華位在僉仔下美人上

美人 史記萬石君傳高祖問曰若何有對曰家貧有

姊能鼓琴高祖召其姊爲美人 案漢書美人視二

千石比少上造位在俗儼下八子上

八子 漢書八子視千石比中更 案位在美人下充

依上

充依 漢書充依視千石比左更 案位在八子下七

子 上文選六臣注及後漢書注依並作衣

七子 漢書七子視八百石比右庶長 案位在充依

下良人上

良人 漢書良人視八百石比左庶長 案位在七子

下長使上

長使 漢書長使視六百石比五大夫 案位在良人

下少使上

少使 漢書少使視四百石比公乘 案位在長使下

五官上

五官 漢書五官視三百石 案位在少使下順常上
順常 漢書順常視二百石 案位在五官下無涓上
無涓 漢書無涓視百石師古曰涓潔也無涓言無所
不潔也

共和 漢書共和視百石師古曰共讀曰恭言恭順而
和柔也

娛靈 漢書娛靈視百石師古曰娛靈可娛樂情靈也

保林 漢書保林視百石師古曰保安也言其可安衆

如林也 案保林隋書禮儀志作寶林

良使 漢書良使視百石師古曰良使使令之善也

案後漢皇后紀注良使作良娣使

夜者 漢書夜者視百石師古曰夜者主職夜事 案

後漢書注作夜君

上家人子 中家人子 漢書上家人子中家人子視

有秩斗食云師古曰家人子者言采擇良家子以入

宮未有職號但稱家人子也

宮人 阿房宮賦爲秦宮人 南史元帝之臨荊州有
宮人李桃兒者以才慧得進後還荊州世所謂西婦
內人者 南部烟花記一士人娶得陳宮人夜炷火
則惡烟氣易以蠟復惡其影士人因詰之汝後宮何
以照夜曰懸大珠一顆耳

彩女 後漢書皇后紀序光武置美人宮人彩女二等
並無爵秩

貴嬪 南史梁武帝貴嬪傳武帝鎮懋城常登樓望見

漢濱五采如龍下有女子澣統則貴嬪也帝贈以金環納之 魏志貴嬪夫人位次皇后爵無所視 宋書孝建三年進貴嬪位次丞相

淑妃 魏志淑妃位視相國爵比諸侯王 案此稱魏明帝始增之位在夫人下淑媛上

淑媛 魏志淑媛位視御史大夫爵比縣侯 案此稱魏文帝始增之位在淑妃下昭儀上宋書九嬪淑媛第一

昭華 魏志昭華比鄉侯 案此稱魏明帝始增之位

在昭儀下修容上宋書九嬪昭華第四

修容 魏志修容比亭侯 案此稱魏文帝始增之位

在昭華下修儀上隋書九嬪修容第五宋書九嬪修容第九

修儀 魏志修儀比關內侯 案此稱魏明帝始增之位
位在修容下婕妤上宋書九嬪修儀第八

順成 案魏志此稱文帝所增順成位在修容下良人
上明帝除之

才人 魏志明帝紀注於列殿之北立八坊諸才人以

次處其中 唐書武宗賢妃王氏傳妃年十三入宮
中穆宗以賜穎王開成末王嗣帝位進號才人 又
唐書武宗五才人善歌舞狀織頰頰類帝 宋書晉
置才人爵視千石以下 西陽雜俎莫才人能爲秦
聲當時號爲莫才人 秦漢魏後宮爵秩皆無才人
之稱胡文煥事物紀原云南史謂晉武帝采漢魏之
制三夫人外有才人以爲晉武所置而通典內命婦
職漢有才人則疑漢置今據志注中所云則才人之
稱殆始於魏當日如漢家人子未有爵秩至六朝而

才人之位始尊耳

六儀 唐書六儀六人正二品淑儀德儀賢儀順儀婉儀芳儀

婉容 宋會要大中祥符六年正月二十一日真宗增淑儀以下至婉容凡六官並從一品在昭儀之上

女尚書 唐書百官志注六尚亦曰諸尚書

女侍中 金石錄趙彥深母傅太妃碑額題齊故女侍

中宜陽國貞穆太妃傅氏碑 案北史後魏女侍中

視二品本後宮嬪御之職今以宰相母爲之

亦不但宰相母

也如清河王岳母山氏封郡君授女侍中入侍皇后
元乂之妻亦拜女侍中封新平縣君此類不一並見
野客叢書

梳頭夫人 聞見錄仁宗好用導引術理髮有宮人能
之號曰梳頭夫人

上嬪 隋書禮儀志北齊每歲元鳥至日皇帝親帥六
宮皇帝初獻皇后亞獻夫人終獻上嬪獻于祿神

承衣 刀人 隋書后妃傳又有承衣刀人皆趨侍左
右並無員數視六品以下時有增置

六尙 二十四司 二十四典 二十四掌 明史女
官六局尙宮局尙宮二人正五品六尙並同尙宮掌
導引中宮凡六局出納文籍皆印署之若徵辦於外
則爲之請旨牒付內官監監受牒行移於外領司四
司記一人正六品典記二人正七品掌記二人正八
品掌宮內諸司簿書出入錄目番署加印然後授行
女史六人掌執文書凡二十四司二十四典二十四
掌品秩並同司言二人典言二人掌言二人女史四
人掌傳宣啟奏凡令節外命婦朝賀中宮司言傳旨

司簿二人典簿二人女史六人掌宮人名籍及廩賜
之事司閹六人典閹六人掌閹六人女史四人掌宮
闈管鍵之事尙儀局尙儀二人掌禮儀起居事領司
四司籍二人典籍二人掌籍二人女史十人掌經籍
圖書筆札几案之事司樂四人典樂四人掌樂四人
女史二人掌音樂之事司賓二人典賓二人掌賓二
人女史二人掌朝見宴會賜賚之事司贊二人典贊
二人掌贊二人女史二人掌朝見宴會贊相之事彤
史二人正六品掌宴見進御之事凡后妃羣妾御於

君所彫史謹書其月日尙服局尙服二人掌供服用
采章之數領司四司寶二人典寶二人掌寶二人女
史四人賞寶璽符契司衣二人典衣二人掌衣二人
女史四人掌衣服首飾之事司飾二人典飾二人掌
飾二人女史二人掌巾櫛膏沐之事司仗二人典仗
二人掌仗二人女史二人凡朝賀帥女官擎執儀仗
尙食局尙食二人掌膳羞品齊之數凡以飲食御進
尙食先嘗之領司四司膳四人典膳四人掌膳四人
女史四人掌割烹煎和之事司醞二人典醞二人掌

醞二人女史二人掌酒醴酏飲之事司藥二人典藥
二人掌藥二人女史四人掌醫方藥物司饌二人典
饌二人掌饌二人掌廩餼薪炭之事尙寢局尙寢二
人掌天子之宴寢領司四司設二人典設二人掌設
二人女史四人掌牀帷茵席汎掃張設之事司輿二
人典輿二人掌輿二人女史二人掌輿輦繖扇之事
司苑二人典苑二人掌苑二人女史二人掌園囿種
植花果事司燈二人典燈二人掌燈二人女史二人
掌燈燭事尙功局尙功二人掌督女紅之程領司四

司製二人典製二人掌製二人女史四人掌衣服裁
製縫紉之事司珍二人典珍二人掌珍二人女史六
人掌金玉寶貨司綵二人典綵二人掌綵二人女史
六人掌繒絲絲絮之事司計二人典計二人掌計二
人女史四人掌度支衣服飲食柴炭之事

宮正 司正 典正 明史宮正一人正五品司正二
人正六品典正二人正七品掌糾察宮闈戒令謫罰
之事大事則奏聞女史四人記功過

太子

皇太子 唐會要咸亨四年七月皇太子新宮成 唐

書禮志皇太子加元服九品以上皆詣東宮朝堂宮

臣皆朝服其餘公服集於重明門外朝堂

太子 白虎通爵天子之子稱太子

東宮 詩東宮之妹正義太子居東因以東宮表太子

初學記引徐廣東宮頌曰禮樂承軒典冊授庭命

服惟九龍旂鸞旌 長安志東宮者太極宮中

青宮 柳宗元賀皇太子箋殿下祇膺茂典位副青宮

神異經東海外有東明山有宮焉左右有闕其高百

尺建以五色青石門爲牆面一門門有銀榜以青石
碧鏤題曰天地長男之宮 唐書藝文志儒家類有
青宮紀要三十卷少陽政範三十卷列藩正論二十
卷皆武后撰

春宮 汪藻賀皇太子箋顯膺典冊升位春宮

春坊 唐書藝文志故事類有春坊舊事三卷失姓名又

杜正倫春坊要錄四卷

東朝 顏延之讌曲水詩君彼東朝

儲宮 潘正叔贈陸機出爲吳王郎中令詩羽儀儲宮

儲極 唐書奉天皇帝琮傳朕昔踐儲極

儲嫡 後漢安帝紀注儲嫡謂太子也

儲闈 劉禹錫賀皇太子賤祗膺詔冊光啟儲闈

儲君 唐書明皇帝嘗命安祿山見太子祿山不拜左右趨之拜祿山曰太子何官上曰此儲君也朕千秋萬歲後代朕君汝者也祿山曰臣愚惟知有陛下一人不知更有儲君不得已然後拜

儲貳 晉書成都王穎傳皇太子圖之儲貳賈謐何得無禮 唐會要太宗謂太子曰爾國之儲貳府藏是

司金玉綺羅不足爲賜但先聖典籍可爲鑒誠耳
山堂肆攷宋至道初上謂李至等曰太子立爲儲貳
當須正人輔之

儲副 漢疏廣曰太子國之儲副 唐書唐太宗欲以
吳王恪爲太子無忌曰太子治仁厚真守文良主儲
副至重豈可數易乃止

儲兩 魏書肅宗紀潘充華有孕椒宮冀誕儲兩而熊
羆無兆維虺遂彰

東儲 西齊書太子曰東儲

元儲 抱朴子帝之元儲必入太學

副兩 唐明皇立皇太子制承之副兩所以安固宗祧
嗣適 左傳君之嗣適不可以帥師

正適 晉書禮志尙書令卞壺議以爲周禮王后太子
不會明禮同於君皆所以重儲貳異正適

正體 顏延年曲水讌詩正體毓德於少陽注正體太
子也

太子古稱

孟侯 尙書大傳天子太子年十八曰孟侯

冑子 書教冑子傳冑長也謂世子也

元子 禮記天子之元子

丕子 書是有丕子之責于天 案丕子卽元子

世子 孟子注世子太子也

冢子 左傳太子奉冢祀社稷之粢盛故曰冢子君行則守有守則從從曰撫軍守曰監國

子 雜記上君薨太子號稱子注太子踰年乃得稱君

副君 文心雕龍文帝以副君之重妙善詞賦 唐書

藝文傳劉選遷太子詹事啟曰殿下位副君非以尋

摘章句

副后 梁元帝賦惟天縱于副后

副主 漢書史丹傳贊史丹之輔導副主 後漢桓榮

傳古今儲君副主莫能專精博學

儲皇 潘安仁爲賈謐作贈陸機詩儲皇之選

元良 禮賢太子曰元良 東軒筆錄太宗以元良未

立雖意在眞宗尙欲遍知諸子遂命陳搏歷抵王宮
以相諸王搏回奏曰壽王眞他日天下主也是時眞

宗爲壽王

殿下 謝莊慶皇太子元服表伏惟皇太子殿下又南
北朝高允謝太子晃曰誠荷殿下再造之慈已見上
皇后門

小爺 明史癩人持梃入東宮事發陸夢龍訊之具供
云不知姓名老公參我已三年令我打上宮門打得
小爺喫有著有小爺者太子也

太子妻

皇太子妃 會典載 皇太子妃班次在 諸皇子福

晉前

妃 儲妃 初學記胡元範和太子納妃詩儲妃禮慶
優

太子妻古稱

良娣 漢書外戚傳太子有妃有良娣有孺子妻妾凡
三等魏晉以後咸遵焉 南史后妃傳太子宮置三
內職良娣比開國侯保林比五等侯才人比駙馬都
尉

良媛 唐書百官志太子內官良媛六人

皇諸子

皇子 史記三王世家皇子賴天能勝衣趨拜

皇長子 玉海宋政和四年二月二十七日皇長子行

冠禮於文德殿

阿哥 會典載雍正元年八月甲子 上諭稱二阿哥

之事又乾隆三年十月辛卯 上諭稱二阿哥永

此皆稱 皇太子曰阿哥也又乾隆四十九年十二

月初六日 上諭稱六阿哥兼管內務府則 諸皇

子亦有稱阿哥者知阿哥當爲 皇子之通稱

皇太孫

皇太孫 玉海唐永濟元年二月戊午立皇太孫王方

慶曰太子在而立太孫載籍未有

皇嫡孫 玉海宋乾道元年六月一日皇嫡孫生二十

七日百僚表賀三年六月九日封國公賜名

皇諸孫

皇孫 郭璞請帝澤疏陛下上籌天意下順物情可因

皇孫之慶大赦天下

天孫 焦氏易林天孫帝子與日月處

皇曾孫 漢書宣帝紀皇孫生宣帝號曰皇曾孫每買

餅所從買家輒大售亦以是自怪

皇元孫 會典載乾隆四十九年正月十四日 上諭

皇長孫之子新歲可以得子朕慶抱元孫五世一堂
實爲古稀盛事又載有皇元孫成婚禮

龍種 北史太子勇長子儼雲所生也初誕儼文帝聞
之曰此乃皇太孫何乃生不得地雲定與奏曰天生
龍種所以因雲而出人以為敏對 杜甫詩高帝子
孫盡隆準龍種自與常人殊

皇諸子皇諸孫之妻

皇子福晉 皇孫福晉 皇曾孫福晉 皇元孫福晉

會典載 皇子成婚 皇孫成婚 皇曾孫成婚

皇元孫成婚禮有此諸稱

皇諸孫之妻古稱

家人子 漢書皇孫妻妾無號位皆稱家人子